

Gvangjsih Minzcuz Bau

ganhhau: CN45-0036 B.2015 Nd.8 Ng.5 liggaueq ietfeih nienz ndwenloeg ngeih'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3185期

Beixnuengx Yinznanz Camgya Gih Raeuz Vahcuengh Sawcuengh Suijbingz Gaujsi

云南考生参加我区壮语文水平考试

8 nyied 1 hauh lajbyongh-ngoenz, Gvangjsih 2015 nienz Vahcuengh Sawcuengh suijsingz gaujsi youq Gvangjsih Minzcuz Dayoz gawjhengz. Gaujsi seizde, Swcigih Minzyijvej fucujyin Yangz Gijbyauh nem Gvangjsih Minzcuz Dayoz mizgven lingdauij cunzyawj gaujsi.

Baez gaujsi neix gungh miz 372 vunz camgya, ndawde, 70 vunz gauj cogaep, 231 vunz gauj cungaep, 71 vunz gauj gaugaep. Ndawde 7 boux dwg gaujseng ndawbiengz, miz vunz

ndaw gih raeuz hix miz vunz rog gih. Linghvaih 365 boux gaujseng cienzbouh dwg lauxsae, gyoengqde dwg yozyenz ndaw song aen beizyinh, aen ndeu dwg daengx gih Cuengh Gun song vah saw gyauyuz saedniemh cungh siuj yozyau lauxsae "beizyin + yozliz" saujsu minzcuz yijvwnz conhyez hanzsou bwnjgohbanh, aen ndeu dwg 2015 nienz lauxsae Cuengh Gun song vah saw Vahcuengh Sawcuengh beizyinh; song aen ban neix cungj youz

Swcigih Gyauyuzdingh cawjbanh, Gvangjsih Minzcuz Dayoz ciepbanh. Baez neix miz saeh daegbied, couh-dwg 7 boux gaujseng ndawbiengz de miz 4 boux dwg vunz rog gih raeuz; gyoengqde daj Yinznanz Swngj daeuj, faenbied dwg boux gunghcoz yinzyenz ndaw Yinznanz Swngj Vwnzsanh Bouxcuengh Myauzcuz Swcicouh Funingz Yen Denyingj Swyez Gvanlij Cungsim nem Denyingj Vah Minzcuz Fanhoiz Ingguh Cungsim.

(Moz Binh/莫滨)

SIUSIK DINJ

简讯

● 7 nyied 29 hauh, Denhngoz Yen Bazlaz Yauzcuz Yangh gawjbanh daihngaih gaiq ciet makmaenjcau. Gungh miz 1.2 fanh lai vunz camgya, ndaej ciem dan au makmaenj 11 dan, gungh naek 45 fanh goenggaen, neix ndaej souhauej 450 fanh maenz.

(Loz Bungzfeih)

● 7 nyied 27 hauh, Hwngzyen Veiswng Nem Giva Swnggyuz Giz youq yienh cunghyihyen gawjbanh canghyw lajmbanj Cunghyih Ywcuengh gihbwnj cihsiz nem ginaengz beizyinh, gungh miz 65 boux canghyw lajmbanj camgya.

(Banh Byauhcauh Mungz Conzgenj)

● Dangqnaj, Cungzcoj Si "goqdangz laj goreiz(gorongz)" gaenq miz doh 78 aen yanghcin (diuzhaw), guh baenz 100 giz sifandenj.

(Couh Yizgangh)

● Bi'gvaq 6 nyied, Dava Yauzcuz Swciyen hainduj youq Luzyej Yangh guh fuzbinz haifat "daengx yangh doihaeuj", gihcuj sezsih gensez aeundaerj cwngz-yau haemq hung. Bineix aen yangh neix gaenq youq Hozbingz Cunh guh goengloh mbanj gaep daj Lunghungz daengz Lungfaz, Ganjsiu daengz Lunglwz daengj; laebguh giz comz gung raemx 26 giz, guh gvihraemx ranzvunz 65 aen, coihguh mieng dwk-raemx coq reihnaz 7 diuz 10.7 goengleix; gajguh denvangj lajmbanj 15 giz.

(Veiz Bungzyen Veiz Cwz)

● Daj bineix daeuj, Lozyez Yen hawj ranghdieng minzcuz gungzhoj nem diegbya ndawde 518 ranz gungzhoj lajmbanj 2090 vunz senj diegyouq, hanghmoeg gungh roengzcienz 3762 fanh maenz, ndawde vunz saujsu minzcuz ciemq 90% . Ciuq cam rox, bineix daengx yienh gungh guh giz comz vunz youq 10 giz, moix giz youq 1000 vunz dauqndaw.

(Lozyez Yen Minzcuzgiz)



Sanhgyangh: Bae Gveicouh Ciuyinx Vunz Daeuj Lijyouz

三江: 到贵州推介侗族旅游文化产品

7 nyied 30 hauh, Sanhgyangh Duncuz Swciyen "Cunghgoz Duncuz youq Sanhgyangh" lijyouz doiok nem ciuyinx hozdung youq Gveicouh Swngj Gveiyangz Si gawjhengz, baez hozdung neix au lwnh hekyouz Gveicouh, "hemq gai" aen lijyouz binjbaiz "mbanj Duncuz gyaenanz, dieg Sanhgyangh yinx vunz" nem Duncuz lijyouz vwnzva canjbinj. Ndaw doz dwg hozdung yienhciegz cingq yienj cezmuz gofoux Duncuz.

(Cauz Siyingh/曹世英 ingj)

Fangzcwngzgangj: Mbanjcuengh Doengh-boux Senj Ranz Ndaej Youq Ranzbezsu

防城港: 壮乡移民住进漂亮别墅

Daj 2010 nienz daengz bineix nienz co, Fangzcwngzgangj Si Gangj-bwz Gih yizminz bumwnz gungh roengz 860 lai fanh maenz, youq ndaw gih Dahih Cin Minzloz Cunh Mbanjingingloz guh mbanj yizminz (bouxsenjranz) moq, 2000 lai vunz souh'ik. Ndawde, Mbanjingingloz aen

mbanj bouxsenjranz moq neix miz 46 ranz saedhengz doengjit gveihva, doengjit sezgi doengjit hwnjguh.

Dangqnaj, aen mbanj bouxsenjranz moq neix gaenq guhbaenz 34 doengh ranz. Aen cin neix gungh cengndaej cienznagaenz baihgwnz 200 lai fanh maenz yungh daeuj guh

mbanj bouxsenjranz moq, caiq gya cienznagaenz vunzlai gag comz, guh aen mbanj moq neix gungh roengzcienz mauhgyaq 1000 fanh maenz. Seizneix, Mbanjingingloz gaenq baenz diemjrongh ndaw hongsaeh Dahih Cin guh mbanj moq gensez.

(Veiz Sauboh/韦绍波)